



Premi da cultura dal chantun Grischun 2021

Leo Tuor, 1959, scriptur, Val/Sumvitg

La Regenza surdat a Leo Tuor da Val, Sumvitg, il premi da cultura dal chantun Grischun 2021. Il scriptur enritgescha la litteratura cun istorgias captivantas, plain vita e plain fantasia. Ses eglis alerts, sia savida culturala e ses gust per invenziuns ed experiments formals dattan a las lecturas ed als lecturs in maletg multifar da la Surselva e da la vita en ils territoris alpins.

Ils premis da renconuschientscha 2021

Mara Capelli, 1967, sautunza, Roveredo

La Regenza surdat a Mara Capelli in premi da renconuschientscha. La sautunza da la Val Mesauc è ina sautunza e magistra entusiasmada ed entusiasmana dal hip-hop. Sias gruppas han represchentà la Svizra pliras giadas sin il nivel il pli aut. Ella ha fundà, promovì e cuntinuà a pussibilitar la scena da hip-hop en la Val Mesauc.

Ralph Feiner, 1961, fotograf, Malans

La Regenza surdat a Ralph Feiner in premi da renconuschientscha. Il fotograf è il cronist da l'architettura contemporanea dal Grischun. Sia chapientscha artistica, sia savida davart ils umans, davart las chasas e davart las cuntradas daventan maletgs commovents e bain infurmads davart la bellezza e davart la particularitad da la cultura architectonica dal chantun.

Vera Kappeler, 1974, musicista e Peter Conradin Zumthor, musicist, 1979, Haldenstein

La Regenza surdat a Vera Kappeler ed a Peter Conradin Zumthor in premi da renconuschientscha. La musicista ed il musicist inventan, cumponan ed improviseschan munds da tuns captivants, commovents e divertents. Sco solists, sco duo u en chapellas enritgeschan els la musica contemporanea da teater ed er la musica populara.

Jürg Schmid, 1957, perscrutader d'insects, Glion

La Regenza surdat a Jürg Schmid in premi da renconuschientscha. Sco amator da las ciencias natiralas ha il dentist perscrutà, rimnà e fotografà tgirallas pitschnas e stgaffì uschia in'ovra da basa davart la biodiversitad.

Uniun e fundaziun Valendau Impuls, 2004, Valendau

La Regenza surdat a l'Uniun e fundaziun Valendau Impuls in premi da renconuschientscha. Cun curaschi, cun pazienza e cun fantasia, cun la cultura architectonica e cun la reuniun inschignusa d'in vitg muntagnard e da la Bassa ha ella mussà, co che la renaschientscha d'in vitg po avair success.

Curò Mani, 1949, musicist, Ardez

La Regenza surdat a Curò Mani in premi da renconuschientscha. Sco cumponist e sco dirigent ha el enritgì il chant da chor dal Grischun e sco magister ha el entusiasma bliers uffants e bliers giuvenils per la musica.

Ils premis da promoziun 2021

Chiara Balsarini, 1985, reschissura ed actura, Val Puschlav

La Regenza surdat a Chiara Balsarini in premi da promoziun. La dunna da teater da Poschiavo è actura, maina reschia, metta en pe producziuns, scriva tocs ed instruescha teater – in talent absolut dal teater.

Andriu Deplazes, artist, 1993, Sagogn, Brüssel e Marsiglia

La Regenza surdat ad Andriu Deplazes in premi da promoziun. L'artist è in observader lucid da la societad. Uschia al reusseschan maletgs impressiunants da persunas, da situaziuns e da cuntradas.

Sara Bigna Janett, musicista, 1990, Tschlin/Turitg

La Regenza surdat a Sara Bigna Janett in premi da promoziun. La chantadura è da chasa sin las tribunas d'opera, en la musica populara ed en il chor da chombra. Ella enconuscha il repertori ed è adina puspè mirvegliusa da far experiments che han ina fin intscherta.

Valentina Minnig, artista, 1991, Cuira/Turitg

La Regenza surdat a Valentina Minnig in premi da promoziun. La fotografa ed artista s'occupa intensivamain da la pussanza da l'uman envers la natira e retira da quai installaziuns e maletgs fascinants ed irritants.

Gian Stecher, 1983, musicist, Domat

La Regenza surdat a Gian Stecher in premi da promoziun. Il dirigent e trumbettist è gia da giuven ina pitga ed in far da la musica instrumentala dal Grischun.